



**PROCESVERBAL** Nr. i prot. 1424 Më 30.01.2019  
-III- Br. prot. 1424 Dt. 30.01.2019  
RAHOVEC - ORAHOVAC

Nga mbledhja e rregullt e Kuvendit Komunal të Rahovecit, e mbajtur më **29.03.2019** me fillim në ora **10.15**. Mbledhjen e kryesoi Kryesuesi i Kuvendit z. **Afrim Dina**. Konstatohet se kuorum, për mbajtjen e mbledhjes kemi,

**Kryesuesi** – Fillimisht më lejoni të ju përshëndes, i nderuar kryetar i komunës z. Smajl Latifi, nënkryetar i komunës z. Fatmir Iska, drejtor të drejtorive komunale, të nderuar kuvendar, pjesëtar të KFOR-it, OSBE-së, gazetar dhe media. Kuvendar të nderuar pasi që dje është funksionalizuar KQZ- ja janë marr vendime për plotësimin e vendeve të lira të asambleve komunale i kemi tre asamblist të cilët duhet të zëvendësohen kemi z. Fehmi Hoxha nga rrallët e PDK- së, znj. Shqipe Tara dhe znj. Rukije Krasniqi nga rrallët e AAK – së. Kërkoj nga tre asamblist të ri në të ngritën në këmbë dhe të japin betimin unë do të lexoj dhe ju do të shqiptoni emrin e juaj. Unë Rukije Krasniqi, Fehmi Cena, Shqipe Tara betohemi se do ti kryej me nder, besnikëri pa anime dhe me ndërgjegje dhe sipas ligjit detyra dhe autorizimet e mia do ti ushtroj. Besoj se rendin e ditës dhe materialin e keni marrë me kohë? Për këtë mbledhje propozoj këtë:

**REND DITE**

1. Shqyrtimi dhe aprovimi i Procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi i bartjes (rialokim) të të hyrave vetanake nga viti 2018 - 2019,
4. Shqyrtimi i Vendimit për dhënie e pronës komunale në shfrytëzim afatshkurtër,
5. Shqyrtimi i Draft Rregullores për Realizimin e të Drejtave të Fëmijëve,
6. Shqyrtimi dhe marrja e Vendimit për dalje në debat publik të Draft Rregullores rreth mënyrës dhe kushtet e shfrytëzimit të palestrës së sporteve "MIZAHIR ISMA" në Rahovec,
7. Informatë mbi menaxhimin e aseteve komunale të Komunës së Rahovecit,
8. Informatë nga Komiteti për Auditim të Brendshëm të Komunës së Rahovecit,
9. Informatë mbi Raportin final të auditimit të brendshëm të Drejtorisë për Urbanizëm, Planifikim Hapësinor dhe Mbrojtje të Mjedisit për vitin 2018,
10. Informatë mbi menaxhimin e situatave në mirëmbajtjen e rrugëve dhe trotuareve gjatë sezonit dimërorë.
11. Shqyrtimi dhe aprovimi i propozim vendimit për Nismën e bashkëpunimit ndërkomunal.

**Kryesuesi** – Kuvendar të nderuar për këtë mbledhje na ka ardhur edhe një pikë shtesë, Shqyrtimi dhe aprovimi i propozim vendimit për Nismën e bashkëpunimit ndërkomunal. Kjo pikë është pak me urgjencë, prandaj ju kërkoj që të jetë pjesë e rendit të ditës për mbledhje të sodit, për më shumë e ftoj Kryetarin e Komunës që të arsyetojë.

**Kryetari** – Përshëndetje për të gjithë të pranishmit, të nderuar Ministria e Administrimit të Pushtetit Lokal ka hapur thirrje para dy dite dhe një komponent ku mundemi të përfitojmë bashkëpunimin ndërkomunal, në kuadër të këtij bashkëpunimi mund të fitojmë një grand prej 150,000.00 deri në 300,000.00 € i cili grand duhet patjetër ti përfshijë dy komuna të caktuara të Republikës së Kosovës, në këtë rast ne jemi dakorduar me komunën e Gjakovës e cila dje në asamblenë komunale e ka kaluar nismën për fillimin e bashkëpunimit komunal për të aplikuar në realizimin e një projekti që është në interes të përgjithshëm publik, edhe më herët kemi pasur bashkëpunime ndërkomunale mirëpo tani janë procedurat të cilat duhet të kalojnë në kuvend dhe të aprovohet Nisma dhe vendimi që të shkojmë më tutje. Kjo kërkesë ka ardhur në takimin e fundit që e kanë pasur para 2-3 dite komnatat e Kosovës përkatësisht edhe përfaqësues zyrtar të komunës sonë, ideja është që ne të votojmë Nismën e bashkëpunimit ndërkomunal me komunën e Gjakovës për ta realizuar projektin e rregullimit dhe trajtimit të pendës së dëmtuar bashkë me Gjakovën pasi që është në kufi dhe fondet janë të ministrisë së administrimit të pushtetit lokal, ne përmes aplikacionit të përgatitur bashkë me komunën e Gjakovës të realizojmë këtë projekt që është me rëndësi të veçantë në çdo aspekt për trajtimin e asaj pjese të Drinit të bardhë nën Urën e Fshejt. Në qoftëse ju jeni dakord në menjëherë mund të procedojmë së pari të fusim në rend dite pasi që është urgjente dhe afati i aplikimit është deri më 10 prill. MAPL-ja është ajo që ka kërkuar në projekte në bashkëpunim ndërkomunal ti kalojmë me komuna të cilat mund të kemi marrëveshje pasi që komuna e Gjakovës e ka kaluar besoj që edhe kuvendi jonë duhet të kalojë këtë pikë të rendit të ditës për shkak se ne mund të fitojmë këtë grand i cili është me interes të veçantë. Kërkoj ndjesë që materiali ka ardhur me vonesë dhe urgjenca nuk është varur nga ne.

**Kryesuesi** – Kuvendar të nderuar e qesim në votim pikën shtesë të rendit të ditës, konstatoj se unanimisht aprovohet pika shtesë e rendit të ditës. Të nderuar tani e qes në votim rendin e ditës për këtë mbledhje: Konstatoj se rendi i ditës së bashku me pikën shtesë janë aprovuar në mënyrë unanime. Kalojmë pikën e parë të rendit të ditës:

### **1. Shqyrtimi dhe aprovimi i Procesverbalit nga mbledhja e kaluar.**

**Kryesuesi** – A ka dikush të jepe ndonjë vërejtje apo ndonjë sugjerim sa i përket procesverbalit nga mbledhja e kaluar.

**Rasim Fazliu** – Përshëndetje për ju kryesues, kryetarin, nënkryetarin, anëtar të kuvendit komunal, drejtorët, pjesëtar të OSBE-së, LMT-ës, media, unë e di që sekretaria e kuvendit është e ngarkuar me punë, ndonjëherë bëhen disa lëshime dhe gabime drejtshkrimore në procesverbal, ndoshta pse nuk dëgjohen mirë incizimet, por janë bërë disa gabime teknike tek diskutimi im faqe 7 dhe 11 kërkoj që këto gabime teknike të përmirësohen.

**Dervish Qadraku** – Përshëndetje për të gjithë janë duke u bërë disa gabime drejtshkrimore, është mirë të korrigjohen këto p.sh e kam hasur një gabim tek vendimi i pikës shtesë ku e keni cekur ura e shejtë ju lutem duhet të shkruhet Ura e Fshejtë duhet të keni kujdes me shumë që të mos i humbet kuptimi.

**Trajko Shariq** – Përshëndetje për të gjithë, në procesverbal është cekur vetëm Hoqë e madhe kur është përmendur çështja e projekteve me prioritet, në ndërkohë është përmendur edhe Rahoveci por nuk është përfshirë në procesverbal.

**Kryesuesi** – Kuvendar të nderuar të gjitha këto gabime sekretaria e kuvendit pas përfundimit të mbledhjes do i përmirësojë. E qes në votim pikën e parë të rendit të ditës. Konstatoj se unanimisht aprovohet Procesverbalit nga mbledhja e kaluar. Kalojmë në pikën e 2 të rendit të ditës.

### **2. Pyetjet dhe përgjigjet në pyetjet e këshilltarëve.**

**Kryesuesi** - A ka ndonjëri nga drejtorët që ti përgjigjet kuvendarëve në pyetjet e parashtruara nga mbledhja e kaluar, nëse nuk ka atëherë e hapim debatin, fjala është e juaja të nderuar kuvendar nëse keni të parashtroni ndonjë pyetje për ekzekutivin.

**Rexhep Oruçi** – Përshëndetje për të gjithë të pranishmit në sallë, pyetja ime i drejtohet Drejtorisë për Shëndetësi, pyetje ime ka të bëjë rreth diskriminimit të një kategorie të pensionistëve, kur kemi të bëjmë me shërbime shëndetësore për pensionistë. Ligji për pensionistë i republikës së Kosovës i përfshinë shumë kategori të pensionistëve, shumica i e kategorive të pensionistëve të Kosovës i shfrytëzojnë shërbimet

shëndetësore falas, por një kategori e pensionistëve invalidor kur të shkojnë për ti shfrytëzuar shërbimet shëndetësore në QKMF, administrata e QKMF-së ja shikojnë moshën se a janë në pension për të mos paguar shërbimet, por ka pensionistë invalidorë që janë të moshës deri në 45 vjeç, dhe nga kjo kategori i kërkohet që të paguajnë shërbimet shëndetësore edhe pse janë pensionistë, mendoj se kjo është në kundërshtim me ligjin. Kërkoj nga Drejtori i Drejtorisë së Shëndetësisë që të i njoftojë QKMF-në dhe AMF-të, dhe mos të i eliminojnë këtë kategori të pensionistëve nga ajo që i mundëson ligji.

**Mirjeta Krasniqi** - Përshëndetje për të gjithë të pranishmit, çështja të cilën unë do e ngrisë ka të bëjë me DKA-në, por së pari përgëzoj për suksesin e arritur në olimpiadën e fizikës nga nxënësi Selim Krasniqi dhe arsimtari z. Afrim Krasniqi, të cilët vinë nga shkolla Milaim Krasniqi – Postaseli, të cilët e kanë zënë vendin e dytë në nivel republike. Pas këtij sukcesi shoqata e fizikantëve ka kërkuar pjesëmarrjen e nxënësit në gara të fizikës të cilat do të mbahen në Rika të Letonisë, ku ata e kanë dorëzuar kërkesën në DKA për mbulimin e shpenzimeve, kërkesa e njëjtë është bërë edhe nga prindi i nxënësit. Nga informatat që i kemi nga familjarët e nxënësit, komuna do e mbështesë nxënësin vetëm me 50% të shumës së shpenzimeve që do i bëjë nxënësi në Rika të Letonisë, pra nga 1000 € që ka qenë kërkesa, komuna vetëm 500 € do e mbështesë. Shuma prej 500 € nuk mjafton që nxënësi të i mbulojë të gjitha shpenzimet, dhe kjo ka rezultuar që të tërhiqet nxënësi nga kjo garë, mënoj se kjo garë i bënë mirë gjithë komunës, qysh në fillim është përkrahur nga DKA-ja, prandaj ne kërkojmë që të gjendet një mënyrë dhe nëse është e nevojshme edhe ne si kuvend të marrim një vendim për ndarjen e shumës prej 1000 €, sot është dita e fundit që të bëhet konfirmimi në shoqatën e fizikantëve për pjesëmarrje apo mospjesëmarrje. Për ne është nder dhe privilegj që nxënësi nga komuna jonë të shkojë në gara ndërkombëtare, uroj që të kemi raste të tilla shumë shpesh, prandaj kërkoj që ne si kuvend me e gjete një mënyrë që të mbulojmë këto shpenzime, pasi që nxënësi është pajisur në mënyrën më të shpejtë me pasaportë dhe me dokumente të tjera.

**Ali Morina** – Përshëndetje për të gjithë të pranishmit në sallë, fillimisht më lejoni të i urojë tre kuvendarët e rijnë për marrjen e detyrës, ju urojmë shumë suksese. Desha të ngris një çështje e cila është shumë me rëndësi, komuna e Rahovecit në bashkëpunim me KRU-Gjakovën ka e ka pasur një plan për ndërprerjen e gypit në Gradish, dhe pastaj të bëhet një qasje e re nga a e fshatit Meqë në Radoniq, ku do të mundësonte furnizimin me ujë të pijes nga Gexha deri në Kramovik nga po ky gyp. Me këtë do të eliminohehin reduktimet në Komunën e Rahovecit qoftë në fshat qoftë në qytet, por ajo që më intereson mua ta di është se deri ku ka shkuar kjo punë, sepse tani sezona e verës është duke u ofruar dhe mundësitë për reduktime janë shumë të mëdha për furnizim me ujë.

**Florida Bajraktari** – Përshëndetje për të gjithë të pranishmit, për këtë propozim të cilin dua ta japë tani kam biseduar edhe me Drejtorin e Financave. Para disa dite Komuna e Suharekës e kishte marr një vendim që të gjitha gratë ose nënat e Komunës së Suharekës të cilat lindin në QKMF—në e Suharekës të subvencionohen me shumën prej 200.00 €. Kishte me qenë mirë që edhe ne të marrim një vendim të tillë, por së pari le të merret ky propozim dhe le të shqyrtohet më pas nga Kryetari i Komunës, ku do të shikohen kushtet financiare, nëse nuk kemi mundësi këtë vite diçka të bëjmë atëherë kishte me qenë mirë që kur të bëhet vitin e ardhshëm planifikimi i buxhetit, të planifikohet edhe një buxhet shtesë ku komuna jonë do i subvencionojë gratë dhe nënat tona të cilat lindin në QKMF-në e Rahovecit me një shumë prej 200.00 € ose 250.00 €.

**Hanalora Hoti** – Përshëndetje për të gjithë të pranishmit, desha të ndërlihem rreth listës që është publikuar për ndarjen e bursave për student, sa kam mundur unë të shohë në këtë listë ka pasur përfitues të cilët nuk kanë qenë meritore dhe me baza politike. Në këtë listë ka studentë që janë përsëritës të vitit radhazi për tre vite, dhe këtë studentë kanë përfituar bursë. A është ky një demotivim për të tjerët të cilët kanë aplikuar dhe janë meritore por nuk e kanë emrin në këtë listë, a mendoni që i keni përfillur kushtet të cilat vetë i keni paraparë.

**Ali Zhuniqi** – Përshëndetje për të gjithë të pranishmit, pyetjet e mija kanë të bëjnë me orientimin e drejtorive ku e kemi mbajtur një trajnim në kuadër të OSBE-së, ndër prioritetet e komunës kanë qenë që së paku drejtoritë përkatëse ose më të rëndësishme në baza tremujore të japin llogaridhënie karshi kuvendit,

por unë jam duke parë që edhe pyetjet kur jemi duke i bërë ka hezitime të ju përgjigjen, disa nga drejtorët e lëshojnë sallën e kuvendit mu në kohën e pyetjeve, një ndër pyetjet që është bërë për drejtorin e shëndetësisë ku ai vazhdimisht e ka liruar sallën e kuvendit. Është për keqardhje sepse ka qenë dita botërore e kancerit me 4 shkurtë, ku kam thënë se z. Vehapi në mandatin e vetë e ka praktikuar një organizim në bashkëpunim me institutin Onkologjik për vetëdijesimin e grave të cilat janë prekur me kancer, kurse drejtori ka hezituuar të mirët me këtë desha ta di pse nuk ka ndodhur kjo. Meqenëse jemi në regjion të Gjakovës i kam kërkuar që në bashkëpunim me spitalin e Gjakovës të merë masa për organizimin e kësaj dite. Po ashtu kishte me qenë mirë që të na përgatit një raport tre mujor për Drejtorin e Shëndetësisë sepse janë duke na u paraqitur mjaftë probleme në këtë drejtori. Po ashtu dua një shpjegim nga Drejtori i Bujqësisë sepse kryeministri i Kosovës vazhdimisht e ka përmendur si në debate televizive qoftë në debate publike se subvencionimi prej 5 milion eurove do të filloj të zbatohet shumë shpejtë, dua ta di se në cilën fazë jemi pasi banorët janë duke pritur këto pagesa.

**Refki Kryeziu** – Përshëndetje për të gjithë të pranishmit, pyetje ime shkon për Drejtorin e Shërbimeve Publike, dua ta di se deri ku ka shkuar puna e ndriçimit publik në fshatin Xërxë, nga dhjetori i viti të kaluar është punuar në një pjesë, por tani punimet janë ndalur, a kenë ndonjë periudhë kohore se deri kur do të përfundoj ndriçimi publik në fshatin Xërxë.

**Fehmi Cena** – Përshëndetje për të gjithë të pranishmit, dua ta ngrisë një çështje sa i përket trashëgimisë kulturore dhe historike që i dedikohet direkt Drejtorisë për Kulturë, rini dhe sport, para dy jave është rrënuar një shtëpi në qytetin e Rahovecit, konkretisht tek lagjja Sheshi i Republikës. Kjo shtëpi ka pasur një strukturë dhe një arkitekturë të vjetër mesjetare dhe antike nga guri dhe rasat, mendoj se ka pasur peshën e trashëgimisë kulturore dhe historike. Ne kemi thënë se këto objekte që janë të pakta dhe që janë në shkatërrim e sipër të evidentohen dhe të mirën nën mbrojtje, kjo për faktin se e kanë rëndësinë vetë historike dhe të kulturës kanë rëndësinë edhe turistike për qytetin e Rahovecit. Është mirë që këto objekte të evidentohen nga DKRS-ja dhe të merren nën mbrojtje, nëse ka nevojë që të bëhet restaurimi i tyre le të kërkohej ndihmë nga niveli qendrorë. Po ashtu kam një pyetje për Drejtoreshën e DKRS-së, a janë të evidentuara këto objekte me karakter të trashëgimisë kulturore dhe historike, pra a ka një regjistër se cilat janë dhe ku janë. Jam i vetëdijshëm se është ndarë një pjesë të buxhetit buxhet për trashëgimin kulturore dhe historike për vitin 2019, diku rreth 30,000.00 €, në mbledhjet e kaluara ne kemi kërkuar që ky buxhet të ritet sepse ky që është nuk mjafton, por është mirë që të gjenden edhe format që këto objekte të trashëgimisë kulturore dhe historike të ruhen.

**Kryetari** – Përshëndetje për të gjithë të pranishmit në sallë, do përpiqem të ju përgjigjem atyre pyetjeve që më janë adresuar mua. I nderuar z. Ali Zhuniqi në mbledhjen e datës 2 prill do të dihet saktësisht se në çfarë përqindje do të kompensohen fermerët, pastaj do të zhvillohen aktivitetet të cilat kanë për qëllim kompensimin e dëmeve për shkak të reshjeve dhe breshëritë që ka ndodhur vitin e kaluar, i kuptoj edhe bujqit që janë shqetësuar por duhet të dinë se për herë të parë është duke ndodhur që të paguhet dëmet e fermerëve edhe pse e dimë që nuk ka sigurime shëndetësore etj. zotimi është që të kompensohen të gjitha dëmet, vlera e të gjitha dëmeve në tre periudha është më shumë se pesë milion e gjysmë, raporti i përgatitur nga komisionet tona është vlerësuar si raporte profesional, mendoj se pagesat do të bëhen me rata sepse nuk e besoj se do të ketë mundësi ministria të i bëjë gjithë pagesën e dëmeve. Kurse sa i përket pyetjes së z. Fehmi Cena, është e vërtetë i nderuar se e kemi një kontratë për restaurimin e objekteve dhe monumenteve të vjetra, kontrata është lidhur vitin e kaluar dhe vazhdon edhe këtë vit. Po ashtu e kemi edhe një listë të objekteve dhe monumenteve të trashëgimisë e cila është në institutin e mbrojtjes së monumenteve, ata e kanë një fond, pastaj është këshilli i Kosovës për trashëgimi kulturore ku mbështesin aktivitete të tilla që kanë për qëllim ruajtjen ose mbrojtjen e monumenteve të traditës, kulturës dhe të historisë. Ju besoj se e dini të gjithë se ne kemi një sfidë kur ka të bëjë me prona private, sepse nëse nuk është në mbrojtje duhet një komunikim me Ministrin e Kulturës që të futet fillimisht në mbrojtje, pastaj ka edhe një situatë që nëse nuk është në mbrojtje pronarët privatë nuk mërzhiten fortë për këtë sepse ata kanë planet e tyre, kurse ne nuk po kemi mekanizma ligjorë të mjaftueshëm që ti ndalojmë për deri sa ato shtëpi nuk gjenden në listën për

mbrojtje të trashëgimisë kulturore dhe historike. Ne së bashku me Drejtoreshën e DKRS-së do e shikojmë edhe një herë listën dhe do ta verifikojmë se a gjendet në listë ajo shtëpi që ti e ceke. E nderuara znj. Mirjeta Krasniqi, unë sot do ja ndajë shumë prej 500 € sepse 500 € ja kam ndarë ditë më parë, por ideja është kjo e nderuar, sot ka shumë shoqata ose organizata të cilat organizojnë gara, pyetje që unë e shtroj për ta është a marrin përsipër ata diçka rreth këtyre garave apo jo, apo duhet të gjitha shpenzimet të i lihen familjarëve apo komunës. Mendoj se kur të merë përsipër organizimin e një gare së paku duhet të ceket se kaq mjete ne i sigurojmë për fituesit, kështu mëno unë. Kurse nxënësi le ti kthehet garës sepse unë sapa të përfundoj mbledhja do e mare një vendim për ndarjen e mjeteve për të shkuar në gara, nuk ka qenë ideja që të ja japim ne përgjigjen negative nxënësit fitues, por ideja ka qenë që të japim përgjigje atyre që marrin përsipër organizimin e këtyre garave, sepse siç janë duke organizuar ata gara do i organizojmë edhe ne pasi që ne duhet të i mbulojmë shpenzimet. E nderuara znj. Hanalora Hoti sa i përket ndarjes së bursave ne vetëm dy ankesa i kemi, ne jemi të gëzuar që kemi mbërritur të i ndajmë bursat për student, këto bursa ndahen nga kategoria e subvencioneve dhe dëshira jonë është që sa më shumë studentë të i përkrahim natyrisht sipas kritereve që i përcakton rregullorja. Por ju nëse keni ndonjë ankesë mundeni të i adresoheni komisionit për ndarjen e bursave, por nga informatat që i kam vetëm dy ankesa kanë ardhur tani për tani. Numri i studenteve që kanë aplikuar për bursa është 174, kurse numri i atyre që kanë përfituar është 92 ose 93 studentë. I nderuar z. Ali Morina ka pyetur për një gyp të ujit që ka filluar të ndërtohet qe 6-7 vite, ka është një investim nga Ministria për Zhvillim Ekonomik dhe KRU- Gjakovës, është e vërtet por të vendosej ai gyp nga Dobidoli në Gradish dhe po të ndodhë ajo ndarja që një pjesë të vije në qytet dhe pjesa tjetër Gradish, Dobidol dhe deri në Çifllak, do të ishte një zgjidhje shumë më e mirë dhe do të ketë një furnizim shumë më të mirë me ujë të pijes si në qytet ashtu edhe në fshatra. I nderuar edhe ne jemi të interesuar që të përfundoj ky projekt sepse do të bënte një zgjidhje shumë më të mirë sa i takon furnizimit me ujë si në qytet ashtu edhe në fshatra. E nderuara znj. Florida Bajraktari të ju them të drejtën edhe neve na ka sfiduar pozitivisht vendimi i Komunës së Suharekës që ti ndajmë mjete për ato nëna që lindin në QKMF-në e Rahovecit, unë për këtë do të diskutoj me drejtorin e financave dhe nëse ne kemi mundësi buxhetore , ku pastaj do të ofrojmë një propozim që bazohet nga kërkesa e juaj dhe do të qesim si pikë të rendit të ditës në kuvend, nëse kemi mundësi buxhetore kisha propozuar që të jetë shuma prej 250.00 €, pra të ja kalojmë Komunës së Suharekës.

**Fehmi Cena** - Në lidhje me pyetjen që e shtrova unë kisha kërkuar nga drejtoria për kulturë rini dhe sport të bëj një listë të objekteve të trashëgimisë kulturore historike që janë në listë nën mbrojtje dhe të na e prezantoj në mbledhjen e ardhshme në mënyrë që ne të shohim se ndoshta ka ndonjë objekt që neve na merr mendja që e meriton të hyjë e ndërsa nuk është në listë, unë për këtë shtëpi që e prezantova në fakt e kam pasur fatin që ta shoh para rrënimit, vërtet ka pasur vlera pas 2 jave e shoh të rrënuar nuk e di a ishte në lisë apo jo, kështu që mund të ketë objekte që nuk janë aty dhe nuk do të thotë që këto brenda vitit të restaurohen, por le të restaurohen me faza, le të hyjnë në listë dhe ne do të punojmë në ngritjen e vetëdijes së qytetarëve.

**Samir Mustafa** – Përsëritje për të gjithë, sa i përket pyetjes së z. Oruqi QKMF-ja është e obliguar që të zbatohet rregulloren për taksa, tarifa dhe gjoha në qoftëse është e paraparë të lirohen nga pagesa në rregull, por në rregullore nuk është e paraparë të lirohen nga pagesa.

**Rexhep Oruqi** – Unë e kam fjalën për kategorinë e pensionistëve të invaliditetit, e kemi pasur rastin para 1 jave një person pa një sy i kanë marr 2 € për shërbim vetëm pse nuk e ka moshën 65vjeçare.

**Samir Mustafa** – Atëherë në mbledhjen tjetër do të kemi rregulloren në kuvend për plotësim – ndryshim, pasi që nuk është e paraparë me rregullore.

**Përparim Krasniqi** – Përsëritje për të gjithë, sa i përket gypit të ujit të pijshëm unë do të jap një informatë në detale, ai gyp furnizues që është prej Gradishit deri në Dobidol është i asbestit që fatkeqësisht është e ndaluar me rregullore dhe duhet patjetër të rregullohet, ne e kemi bërë një projekt detal me KRU Gjakova që të shkoj nga ana e hekurudhës ai gyp për shkak të rreziqeve në qoftëse shpërthen rrezikohen vendbanime. Ky projekt e ka një kosto prej 1.7 milion € ku kanë kërkuar ndihmë nga ministria e zhvillimit

ekonomik në qoftëse aprovohet këtë vit atëherë fillohet implementimi i projektit. Ne jemi duke punuar edhe në projekte të tjera me dy segmente rrugore ku njëra është në përfundim dhe tjetra pritet të zgjidhet për shkak të problemeve. Sa i përket ndriçimit publik jemi duke i vendosur disa instalime nën tokësore në fshatin Ratkoc vazhdojmë me fshatin Denjë ku nuk kemi pasur investime këto 2 vite të fundit, si të përfundojnë këto do të rikthehemi në Xërxe ku shpresoj që brenda 2-3 muajve të përfundoj projekti i ndriçimit publik.

**Rasim Fazliu** – I nderuar drejtor është mirë që rregulloren të na sillni në mbledhjen e rrallës pasi që mund të ndryshojmë atëherë edhe qytetarët ti gëzojnë të drejtat e tyre.

**Isak Hoti** – Përshëndetje për të gjithë, rregullorja për taksa, tarifa, ngarkesa dhe gjoba janë duke u diskutuar në nivel shteti, për vet faktin me ndryshimin e ligjit për kundërvajtje dhe gjoba që i kemi brenda kemi mjaftë probleme jo vetëm komuna jonë por edhe komuna tjera, janë disa kode që i kanë vendosur në sistem të ri në ministri, sidomos ministria e financave ku na kanë dal probleme edhe neve, besoj që ministria e financave në bashkëpunim me zyrtar ligjor shumë shpejtë do të hartoj një rregullore, do të sillet si draft dhe pasta në bazë të specifikave të komunave mund të votohet në kuvend.

**Kryesuesi** – Ju faleminderit për diskutimin e bërë rreth pikës së dytë, kalojmë në pikën e radhës:

### **3. Shqyrtimi i bartjes (rialokim) të të hyrave vetanake nga viti 2018 – 2019.**

**Afrim Limani** – Përshëndetje për të gjithë të pranishmit, ligji i financave publike dhe përgjegjësi përcakton saktë bartjen e të hyrave vetanake prej vitit 2018 në vitin 2019. Shuma e mjeteve të bartura për komunën e Rahovecit të hyrave vetanake janë në total prej 403.221 euro, kjo shumë është mjaftë e mirë dhe relativisht e kënaqshme dhe fal inkasimit të mirë që e kemi pasur gjatë muajit nëntor dhe dhjetor, siç e dini edhe ju janë muaj që mbyllet viti fiskal dhe ato mjete nuk mund të barten në projekte të caktuara por barten prej vitit paraprak në vitin pasues, gjithashtu ka pasur mjete të tjera që për një arsye nuk kanë mundur të realizohen në kuadër të projekteve të caktuara. Këto mjete i kemi bartur në investime kapitale 381.295 euro, ndërsa 21.926 euro i kemi bartur në pozicionin paga dhe mëditja, kryesisht në drejtorinë e shëndetësisë sepse këto mjete vitin e kaluar ne i kemi bartur në kuadër të drejtorisë së shëndetësisë në këtë pozicion të pagave, mirëpo nuk janë realizuar dhe për këtë arsye sipas ligjit ne detyrohemi që mjete të kthejmë në këtë pozicion. Investime kapitale i kemi shpërndarë në këto mjete: ndërtimi i rrugëve me kupëza Dobidol, Palluzhe, Ratkoc, Gegje, Kramovik dhe Guri kuq në shumën prej 160.807 euro, pastaj intervenime emergjente në infrastrukturë prej 32.997 euro, rregullimi i shtretërve, proçkave dhe lumenjve në komunën e Rahovecit 38.000euro, ndërtimi i shkollës Hoqe dhe Brestoc 69.510euro, ndërtimi i çerdhes në Ratkocë 65.000euro dhe kullimi i tokave bujqësore në Xërxe në shumë prej 15.000euro. Sigurisht që kureshtja e juaj dhe bëni pyetje pse kjo shumë 160.807euro në kuadër të këtij projekti, ju njoftoj të dashur asamblist këtë shumë e kemi bartur sepse ishim të detyruar në këtë formë, unë nga zyra e departamentit të thesarit në kuadër të ministrisë së financave kam marr një shkresë që nëpërmjet thesarit të ekzekutoj këtë pagesë.

**Kryesuesi** – Faleminderit drejtor ne këtë pikë të rendit të ditës e kemi trajtuar në mbledhjen e Komitetit për politikë dhe financa për alukimin e mjeteve.

**Ali Zhuniqi** – Faleminderit drejtorit për sqarimin ishte shumë i qartë dhe konkret i shpjegoj arsyet dhe disa mangësi të drejtorëve për mos shfrytëzimin e këtyre mjeteve, prapë është fatkeqësi që drejtori i shëndetësisë nuk është prezent të na tregoj përse këto mjete nuk kanë mundur të hyjnë në funksion dhe të këtë përgjegjësi publike sepse është një shumë e madhe që nuk është shfrytëzuar në drejtori të caktuar. Unë kam kërkuar që secili drejtor në bazë 3 mujore të prezantoj raportin e punës në kuadër të trajnimit që e kemi pasur në OSBE herën e fundit. Përse duhet të çrregullohet departamenti i thesarit në kuadër të ministrisë së financave një shumë prej 160.000euro në qoftë se ju nuk ishim në gjendje si drejtori përkatëse ti shfrytëzoni këto mjete.

**Rasim Fazliu** – Faleminderit kryesues, unë e di që çdo herë bëhet bartja e mjeteve nga viti në vit pasi që kështu krijohen kushtet që nuk mund të shfrytëzohen të gjitha, por drejtori e sqaroi këtë punë, unë në emër të grupit pajtohem që këto mjete të barten prej vitit të kaluar në këtë vit, por e kam një pyetje për drejtorin. Ne e dimë që bartja e mjeteve bëhet nga viti në vit, përse këtu shkruan që mjetet vetanake të barten nga viti 2017 dhe 2018 për vitin 2019, a kemi pasur bartje sepse thjeshtë kam harruar a ka pasur bartje prej vitit

2017 ne 2018 dhe pse atëherë nuk janë bartur ato të 2017, për ndryshe është normale të bëhet bartja e mjeteve prej vitit në vit për ti shfrytëzuar mjete vetanake.

**Muhni Durguti** – Faleminderit kryesues unë e falënderoj drejtorin që na i dha sqarime për bartjen e këtyre mjeteve të mbetura, mua më intereson tek kodi 408/ 40 tek rregullimi i shtretërve të lumenjve dhe proçkave në komunën e Rahovecit, këtu po barten gjithësej 38.000 euro. Pyetje për drejtorin e shërbimeve publike meqenëse ky kod është i përgjithshëm e nuk na jep sqarime se cila proçka dhe lumenj do të rregullohen me këto mjete, a hyn këtu edhe mirëmbajtja e shtratit të lumit Dullo, ndoshta po bëhem pak i tepër është hera e katërt që e parashtrij këtë pyetje, tri herë kam kërkuar që të pastrohet shtrati i këtij lumi sepse është në një gjendje kautike, më intereson me bartjen e këtyre mjeteve a është planifikuar mirëmbajtja apo pastrimi i shtratit të lumit dulla?

**Masar Popaj** – Përshëndetje për të gjithë unë i drejtohem drejtorit kështu: tek kodi 45/23.2 tek ndërtimi i rrugëve me kubëza në Dobidol Palluzhe, Ratkoc, Gegje, Kramovik dhe Guri kuq, bartja e mjeteve është 160.807.49 euro që mbesim borxh rreth 18.000 euro, përse nuk likuidohet komplet si borxh edhe këto 18.000euro sikurse tek kodi 40,81,5 tek intervenime emergjente në infrastrukturë 2977.40 të kryhet si borxh komplet dhe bartja e mjeteve është 32.977, tek kodi 40,84,40 rregullimi i shtretërve të lumenjve dhe proçkave në komunën e Rahovecit është një borxh 765.095 ndërsa bartja e mjeteve është 38.000, a nuk mund të bëhen ndryshime tek këto kode të barten mjete dhe të kryhet një projekt si duhet e jo të lëmë pjesë pjesë?

**Afrim Limani** – Do ti përgjigjem të gjitha pyetjeve, për pozicionin e pagave për vitin 2017 nuk janë shfrytëzuar, si do që të jetë kjo shumë prej 403.000 euro është shumë pozitive për ne, sinqerisht po ju them ka ndoshta 5 ose 6 vite komuna e Rahovecit asnjëherë nuk ka pasur aq shumë mjete për ti bartur, sa do ku do kjo shumë të paktën e zbret vlerën e projekteve kapitale, do të thotë obligimin të cilin ne e kemi bartur. Kjo shumë në shëndetësi nuk është realizuar për fat të mirë është pozitive, nuk është realizuar në kuadër të pozicionit të pagave, mjetet tek grandet i kanë mbuluar obligime që i kanë pasur drejtoria e shëndetësisë, këto kryesisht hyjnë në pjesë të mbulimit të kujdestarisë që e kemi pasur, kjo shumë bartet për vitin 2019. Sa i përket shumës 160.000euro ne i kemi shfrytëzuar aq sa kemi pasur mjete që janë pjesë e obligimeve dhe borxheve në kuadër të këtij projekti kemi borxh 258.000euro ndërsa ne i kemi alokuar 78.000euro që jemi të detyruar nga ana e thesarit dhe e kemi lënë pjesën e 10% kur operatori i kryen të gjitha punët pas një viti pjesë e siguracionit një shumë simbolike prej 15.000 euro. Këto mjete nga viti 2017 emërtohen me një numër që e kanë 22 këto të hyra vetanake janë të vitit 2018 numër 21, p.sh do të marr një projekt të caktuar nga viti 2017 ne i kemi bartur në vitin 2018 këto mjete të hyrave vetanake të atij viti për një arsye nuk janë shfrytëzuar p.sh ne i kemi ndarë mjete operatori nuk ka mundur ti kryej punët dhe ato mjete barten në vitin që vjen dhe ato emërtohen një vit mbrapa me numër 22. Pyetja tjetër ishte përse këto mjete nuk janë bartur në tersi, nuk i kemi bartur në tërësi për shkak të siguracionit sa i përket projekteve tjera nuk kemi pasur buxhet të mjaftueshëm dhe jemi munduar të paktën ta zbusim gjendjen e borxheve që e kanë.

**Përparim Krasniqi** – Në kuadër të mirëmbajtjes që e kemi ne si komunë kontratat e mirëmbajtjes së hapësirës publike është edhe pastrimi i lumit Dullo mirëpo është për mbeturina, por për shkak të baltës që po krijohet duhet të ndërhyhet me një kontratë tjetër ku edhe jemi në fazën e lidhjes së kontratës për intervenime emergjente sepse nevojitet makineri për pastrim dhe është vështirë të pastrohet, sa i përket pjesës jashtë lumit dulla ne e kemi kontratën për hapësira publike që e kemi ndarë në 3 pjesë është kompania që duhet të kujdeset ti largoj mbeturina rreth lumit, ne do të kujdesemi për këtë hapësirë të rregullojmë çështjen e mirëmbajtjes.

**Dervish Qadraku** – Në mbledhjen për komitet politik dhe financa e kam dhënë një ide që të bëjmë një parking tek shkolla e vjetër a ju ka bërë përshtypje dhe a e keni menduar në këtë drejtim që të bëjmë parking me këto mjete kemi mundur të bëjmë një mbulim të shpenzimeve sepse nuk janë të mëdha dhe do të bëhej një zgjidhje mjaftë e mirë për qytetar që kanë qasje në komunë apo institucione tjera.

Përparim Krasniqi – ne e kemi në planifikim në kuadër të parkingjeve të reja në qytet, për momentin do të trajtojmë vetëm me zhavorr sepse po krijohet një tollovi sidomos gjatë sezonit të verës, do të shohim edhe mundësitë të tjera se çfarë mund të bëjmë pasi që është hapësirë publike komunale.

**Fehmi Cena** - një sqarim z. Qadraku disa herë po e përmend këtë truall për parking, në fakt unë jam në dijeni se aty është folur njëherë që të ndërtohet një shkollë e muzikës, pastaj në këshillin e lagjes është përmendur që të ndërtohet një ambulancë dhe ndërtimi i një parku të gjelbër kështu që duhet pasur kujdes që mos të ngutemi për destinim të asaj pjese ku lagjja me patjetër duhet të marr pjesë në përcaktimin se çfarë do të bëhet me atë pjesë.

**Kryesuesi** – Patjetër që duhet shqyrtuar kjo pjesë dhe të gjitha mundësitë. E qes në votim Shqyrtimin dhe bartjen (rialokim) të të hyrave vetanake nga viti 2018 – 2019: Konstatohet se në mënyrë unanime është aprovuar pika e tretë (3) e rendit të ditës. Kalojmë në pikën e radhës

#### **4. Shqyrtimi i vendimit për dhënien e pronës komunale në shfrytëzim afatshkurtër.**

**Artan Asllani** – Përshëndetje për të gjithë, ne si drejtori e kemi një propozim për dhënien në shfrytëzim të pronës në fshatin Xërxe është një objekt në hyrje të depove të Matrex-it, ky objekt është në gjendje jo të mirë ne e kemi parë të arsyeshme të kem si propozim në kuvendin komunal të jetë objekt në shfrytëzim është një hapësirë prej 187 metra katror në bazë të certifikatës i keni të dhënat, qëllimi i dhënies në shfrytëzim të pronës së paluajtshme të komunës është e cekur në pikën 1 dhe 2 është ruajta dhe rritja e vlerës së pronës komunale. Zhvillimi i aktiviteteve biznesore për zyrat administrative të cilat do të lehtësojnë ushtrimin e veprimtarisë biznesore dhe dhënien e mundësisë tek qytetarët për vetë mësim. Kryesisht afati kohor për dhënien me shfrytëzim të këtyre objekteve e kemi parë të arsyeshme të jetë prej 1deri në 15 vite, ndërsa për procedura ankand publik do të kujdeset drejtoria për ekonomi dhe gjeodezisë, zyrës së prokurimit dhe komisioni i formuar prej 7 anëtarëve nga kuvendi i komunës, pasi që është interes i komunës i ftoj të gjithë asamblist të votojnë këtë pikë të rendit të ditës.

**Rasim Fazliu** – E falënderoj drejtorinë për prezantimin e kësaj pike, unë shoh që ka gabime procedurale është fjala që këtu nuk duhet të vij vendimi, vendimi bëhet pasi të kryhet mbledhja kuvendi merr vendim pastaj e bëjnë vendimin dhe e nënshkruajnë ata që janë kompetent dhe vazhdoj më tej puna, edhe pse në faqen tjetër e shoh që është propozim me gjithë atë duhet të jetë propozim vendim jo vendim, në kuvend duhet të vij si propozim vendim arsyeja pse po flasë është kjo p.sh këtu shkruan vendim dhe unë nuk pajtohem me pikën e 4 sepse shkruan afate kohore për dhënien e pronës së paluajtshme të komunale të cekur 1 dhe 2 të këtij vendimi është afat shkurtër në periudhën 5 vite, unë bëj pyetje se kush e merr këtë vendim ne apo ju që e keni sjellë, kuvendi është ai që e merr këtë vendim, ju e keni propozuar 5 ne ndoshta e bëjmë 10 apo 15, prandaj të mos nxitojmë por të rregullojmë mirë dhe herëve të tjera të mos na vijnë vendime por propozim vendime këtu dhe ne e bëjmë diskutimin ne si kuvend e marr një qëndrim për sa do të japim në shfrytëzim këtë pronë gjithsesi përmes ankandit publik dhe kështu shkon puna më mbarë dhe më mirë, këto janë vërejtjet e mia dhe tek pika 1 shkruan dhe merret vendimit është mirë të hiqet shkronja t sepse po i priset kuptimi. Për fat të mirë qeveria lokale ka të drejtë propozimi por ne jemi ata që pajtohemi ose e zgjasim apo e shkurtojmë atë propozim që e ka dhënë qeveria komunale.

**Fehmi Cena** – Ne i vlerësojmë pozitivisht këto iniciativa kur prona komunale jepet në shfrytëzim të qytetarëve për arsye se është pozitive dhe e dobishme për të dy anët, për komunën sepse krijon të hyrat vetanake por në anën tjetër edhe për qytetarët tanë sepse krijohen vendet e lira pune. Unë i inkurajoj pushtetin lokal, drejtoritë përkatëse që ti identifikoj sa më shumë prona komunale të tilla si objekte, truall që ti jepet në shfrytëzim qytetarëve, sa i përket asaj vërejtjes që e patë z. Fazliu tek pika e 4 unë propozoj që të jetë në periudhën 5 vjeçare me të drejtë vazhdimi nëse punët shkojnë mirë pagesa është me rregull, pra të ketë mundësi vazhdimi pasi që është periudhë prej 1deri në 15 vite natyrisht duhet të ketë specifikat ku mund të vazhdoj biznesi i njëjtë në atë vend apo objekt.

**Masar Popaj** – Kjo ka të bëjë me një parcel të vogël apo objekt me sipërfaqe prej 187 metra katror është objekt për shfrytëzim kështu që në këto parcela në Xërxe një vend i quajtur Skaja i kemi thënë për 15 vite



për shfrytëzim para 2 muajve dhe është mirë kur jepet një parcelë të jepet për 15 vite, p.sh Agro Celines i kemi dhënë për 15 vite.

**Refki Kryeziu** – Sa i përket kësaj pike të rendit të ditës për dhënie në shfrytëzim të pronës komunale në fshatin Xerxe posaçërisht një sipërfaqe e madhe propozimi im është që të mos jepet në shfrytëzim më shumë se 1 vit arsyeja është mos mund të na jepet ndonjë mundësi e investimi të jashtëm për ndërtimin e ndonjë biznesi që të punësohen qytetarët tanë, ky është mendimi im meqenëse komuna jonë ka shumë pak prona.

**Dervish Qadraku** – Duhet të jap mendimin tim në lidhje me këtë pikë të rendit të ditës, ideja e dhënies së pronës së komunës individëve apo organizatave të ndryshme këtu që janë në komunën tonë apo më tej është mirë sepse ato rinë kot aty dëmtohen dhe qytetarët nuk kanë mundësi ti shfrytëzojnë ato, këto ide mua më pëlqejnë po ashtu kam vërejtje tek vendimet unë e kam përshtypjen që jeni duke përtuar që ti përshkruani edhe një herë vendimet pasi që është propozim vendim dhe nuk mund të kalohet kështu sepse ne kemi vërejtje si p.sh tek pika e 4 dhënia në shfrytëzim kujtdo qoftë por periudha 3,4 vjeçare është e pamjaftueshme për investitorin sepse ai duhet të investoj që të aftësoj atë objekt dhe është problem që ai të investoj për 5 vite e pastaj të vij dikush tjetër, unë mendoj që duhet të jepet në periudhë prej 10 vite apo 15 vite pa të drejtë vazhdim kontrate.

**Fehmi Hoxha** – Faleminderit kryesues, përshëndetje për ju kryetarin, nënkryetarin, kuvendar, ekzekutivin, mediat dhe gjithë të pranishëm. Së pari dua ti them drejtorit që herën tjetër mos të del vetëm me kopje të planit si është mirëpo duhet të jetë ortofoto, pasi që u konsultova në bazë të numrit të kadastrales dhe skicës normal që askush nga ne nuk e kemi opinionin se për cilën parcel bëhet fjalë pasi që komplet parcela i kemi aty e bëhet fjalë për një pjesë shumë të vogël, për të ardhmen është mirë pak sqarime të kemi. Këtu janë diskutuar disa herë disa propozime po ndërlidhem me drejtorin ti mundësojmë që të marrim një vendim 5 vite me mundësi vazhdimi ligji e përcakton ndryshe. Pas ligjit dhënia e pronave komunale duhet të përcaktohet afatshkurtër dhe afatmesëm, këtu është e përcaktuar afatshkurtër deri sa, afatmesëm dhe afatgjatë kështu që nuk ka të drejtë me mundësi vazhdimi por të përcaktohet për sa vite. Rreth propozim vendimit që është diskutuar këtu bëhet propozim-vendim del në komitet për politik dhe financa prej anës së kryetarit dhe kur vjen në kuvend këtu shndërrohet në vendim pas marrjes së vendimit, nuk bën ne këtu të diskutojmë propozimin është vendimi i komitetit për politik dhe financa pa marr parasysh a ka pasur pëlqimin paraprak apo jo kalon direkt në kuvend kjo është e rregulluar kështu.

**Kryesuesi** – Faleminderit shumë i nderuar për kontributin e dhënë. E qes në votim vendimin për dhënien e pronës komunale në shfrytëzim afatshkurtër: Konstatoj se me 21 vota për, 2 kundër dhe asnjë abstenim aprovet pika e katërt (4) e rendit të ditës, kalojmë në pikën e 5 të rendit të ditës

##### **5. Shqyrtimi i Draft Rregullores për Realizimin e të Drejtave të Fëmijëve.**

**Isak Hoti** – Me datën 18 Mars është mbajtur debati publik për rregulloren për realizimin e të drejtat e fëmijëve nuk pa pasur asnjë sugjerim, ndryshim apo plotësim pos për qendrën për punë sociale që i ka dhënë rekomandimet e veta, tek neni 6.6, 6.10, 7.2, 8.3, neni 9 pika e 3, 10 pika 2.5 të gjitha këto janë rekomandime që i ka dhënë qendra për punë sociale neni 11.1 dhe 11.4 të gjitha procedurat kanë shkuar me rregull ka mbetur vetëm të votohet në kuvend, kush ka ndonjë propozim, plotësim në këtë drejtim, por ju kisha lutur që drejtpërdrejtë në dispozitë, pikë apo nen e kemi më lehtë të përmirësojmë.

**Rasim Fazliu** – E falënderoj z. Isak Hoti që na i dha sqarime për këtë draft rregullore për realizimin e të drejtave të fëmijëve, unë e di që kjo draft rregullore ka kaluar në debat publik, a ka pasur qytetar dhe a ka pësuar ndryshime apo propozime kjo rregullore.

**Isak Hoti** – Të jemi realist në këtë drejtim ju e di që njerëz pretojnë të dalin, i kemi pasur të qendrës për punë sociale e kemi kryer këtë obligim ligjor.

**Kryesuesi** - E qes në votim Draft Rregullores për Realizimin e të Drejtave të Fëmijëve: Konstatoj se në mënyrë unanime është aprovuar pika e pestë (5) e rendit të ditës. Kalojmë në pikën e radhës:

## **6. Shqyrtimi dhe marrja e vendimit për dalje në debat publik të draft rregullore rreth mënyrës dhe kushtet e shfrytëzimit të palestrës së sporteve MEZAHIR ISMA në Rahovec.**

**Isak Hoti** – Pas kërkesës së kuvendarëve për draft rregullore rreth mënyrës dhe kushteve për shfrytëzimin e palestrës ne kemi marr modele prej komunave tjera, janë disa shifra dhe çështje të cilat kanë nevojë për debat sidomos tek neni 11 tek e drejta e sponsorizimit dhe e reklamave, ne i kemi vendosur disa shifra por ju jeni ata që vendosni, në qoftëse ka nevojë për ndonjë ndryshim apo plotësim deri tek debati publik ju kisha lutur që ti sjellin sepse me të vërtetë ka shumë peshë dhe rëndësi.

**Kryesuesi** – Faleminderit z. Hoti, fat i mirë që edhe ne kemi një palestër dhe të rinjtë tanë kanë ku ti zhvillojnë aktivitetet e tyre sportive.

**Ali Morina** – Kjo rregullore është mirë që është sjellë në kuvend dhe tashmë po merr formën dhe mënyrën e organizimit dhe shfrytëzimin e palestrës uroj dhe shpresoj që shumë shpejtë do të vij rregullorja për shfrytëzimin e palestrës dhe sallave të edukatës fizike nëpër shkolla, besoj që komunitetit sportiv do të jep kontributin më të madh në këtë fushë mirëpo unë e kam një vërejtje tek neni 13 pika 1.4 tek shuma e pagesave për shfrytëzim në qoftëse një grupacion donë të shfrytëzoj për një orë palestrën pagesa është 15euro pa ndriçim dhe 20euro me ndriçim konsideroj se është mirë që të ceket se sa është shuma kur e shfrytëzon me ngrohje sepse e dimë që ngrohja e ka një kosto shumë të lartë, apo kjo pikë me pagesë prej 20 euro është me ndriçim dhe ngrohje.

**Kryesuesi** - E qes në votim Vendimin për dalje në debat publik të draft rregullore rreth mënyrës dhe kushtet e shfrytëzimit të palestrës së sporteve MEZAHIR ISMA në Rahovec: Konstatohet se në mënyrë unanime është aprovuar pika e gjashtë (6) e rendit të ditës. Kalojmë në pikën e radhës

## **7. Informatë mbi menaxhimin e aseteve komunale të komunën e Rahovecit.**

**Artan Asllani** – Siç e dini komuna e Rahovecit ka pasur një problem të kah hershëm në menaxhimin e aseteve komunale, me rekomandim të zyrës së auditorit kombëtar për vitin 2017 dhe rekomandimeve të vazhdueshme për vitin 2018 si problem ka qenë regjistrimi i aseteve komunale, me propozim të drejtorisë së ekonomisë iu kemi drejtuar kryetarit të komunës z. Smajl Latifi të cilit i kemi propozuar ngritjen e disa komisioneve që merren me regjistrimin e pasurive jo financiare. Në vazhdim ju kam paraqitur në mënyrë të tabelave përshkrimin, artikuj dhe vlerën. Inventari në administratë në vitin 2018 ishte rreth 4472 artikuj dhe vlera e këtyre aseteve jo financiare ishte 128.384 euro, po ashtu është edhe inventari nëpër shkolla komplet komunës së Rahovecit ishte 19.764 artikuj dhe vlera e të gjitha këtyre aseteve ishte rreth 287.797.40 euro, po ashtu inventari i QKMF,AMF, ku në total komplet për vitin 2018 vlera e këtyre aseteve financiare është 470.115.40 euro. Dua të ndalem në këtë pikë pasi që tërë këto artikuj dhe vlera është shumë e vogël në mjete monetare, në kuvendin komunal ka mjaftë asete në të gjitha institucione që komisioni kur e bën vlerësimin e bën me anë të katalogut, dhe ne në momenti që bëhet blerja tek jo vlera financiare shkon deri në 20% vlera e amortizimit të pajisjeve, mjeteve dhe gjë sendeve tjera, ku vlera e tyre shkon deri në 5% vlera e amortizimit, në bazë të konstatimit të komisionit vlera reale është 470.115.40 euro, ndërsa gjatë viti jemi përkujdesur që pasi kemi bërë regjistrimin dhe vlerësimin e kemi një sistem të posaçëm prej ministrisë së financave e kemi obligim që këto asete ti vendosim nëpër programe që quhet E-Pasuria është program i veçantë që kemi bërë dalje të të gjitha këtyre aseteve që janë edhe barkode që janë shpërndarë për çdo artikuj, në bazë të numrit të barkodit nga auditorit të jashtëm apo të brendshëm që shprehin interes mund të bëjnë verifikimin e artikullit. Gjatë vitit 2018 kemi pasur që rekomandim të kah hershëm nga auditori i jashtëm për regjistrimin e tokave në komunën e Rahovecit, vitet më parë kanë punuar misione të ndryshme por nuk kanë arritur të bëjnë regjistrimin e komplet tokave bujqësore. Ne gjatë vitit 2018 kemi punuar pa ndal ku kemi arritur regjistrimin e 460 parcela të tokave me vlerë prej 16milion euro, por e kemi bërë në mënyrë tabelare komplet asete për vitin 2018. Në objekte arsimore e kap një vlerë prej 14.106.042.53 euro në objekte sportive, vetura, objekte shëndetësore d.m.th deri më 31 dhjetor 2018 komplet pasuria e komunës së Rahovecit e kap një vlerë 81.807.030.30euro.

**Rasim Fazliu** – E falënderoj drejtorin për këto të dhëna, unë mendoj që është kryer një punë mjaftë e mirë se ndër vite ishte rekomandim i zyrës kombëtare të auditimit regjistrimi i aseteve komunale dhe është mirë

që drejtoria për ekonomi zhvillim dhe turizëm ka formuar ka formuar komisione dhe e kanë bërë regjistrimin e aseteve komunale dhe vlerësimin e pasurive të paluajtshme dhe nuk kemi vërejtje nga auditori i përgjithshëm. Desha ti drejtohem drejtorit ne këtu i kemi disa shifra që i keni dhënë por a janë regjistruar dhe vlerësuar të gjitha prona apo ka edhe prona tjera që nuk keni mundur të arrini të bëni regjistrimin e tyre.

**Artan Asllani** – Për vitin e kaluar kemi mundur ti vlerësojmë 460 parcela, ndërsa për këtë vit besoj që do të përfundojnë deri në 6 mujorin e parë

**Fehmi Cena** – Një ndërhyrje të vogël ne edhe në mbledhjen e komitetit për politik dhe financa kemi bërë pyetje të njëjtë dhe kemi marr përgjigje të njëjtë, por është mirë që në këtë dokument të ketë një pasues me shkrim që puna nuk është kryer në tërësi por vazhdon puna edhe në të ardhmen sepse ky është një raport që në të ardhmen mund të sjellë paqartësi pas një viti.

**Kryesuesi** – Atëherë në koordinim me anëtar të kuvendit hiqet nga rendi i ditës pika e 8 dhe 9 e rendit të ditës, kalojmë në pikën e rrallës.

#### **10. Informatë mbi menaxhimin e situatave në mirëmbajtjen e rrugëve dhe trotuareve gjatë sezonit dimërorë**

**Përparim Krasniqi** – Do të jap disa informata edhe pse të gjithë i keni raporte të shkruara por do të flas për situata që kanë ndodhur gjatë reshjeve të borës ku kanë filluar në janar, kemi dy kompani që kujdesen për mirëmbajtjen e rrugëve gjatë sezonit dimëror ku i kemi të ndarë në lloto dhe janë të specifikuar rrugë me sasi të kripës që janë mirëmbajta.

**Kryesuesi** – Ju faleminderit kalojmë në pikën e radhës të rendit të ditës.

#### **11. Shqyrtimi dhe aprovimi i Propozim vendimit për Nismën e bashkëpunimin ndërkomunal.**

**Kryesuesi** – Kryetari i komunës e dha sqarimin sa i përket pikës së njëmbëdhjetë, nëse keni diçka për të shtuar fjala është për ju. Nëse nuk keni atëherë e qes në votim Propozim vendimit për Nismën e bashkëpunimin ndërkomunal. Konstatoj se në mënyrë unanime është aprovuar pika e njëmbëdhjetë (11) e rendit të ditës. Kuvendar të nderuar ju falënderoj të gjithëve për kontributin e dhënë, mirupafshim në mbledhjet e radhës.

**Mbledhja e kuvendit ka përfunduar në ora 12:10**

01 Nr. 1424

Rahovec, 30.04.2019

Procesmbajtësi

Skender Hamza



KRYESUESI

Afrim Dina